

Sa Presidenzia de su Cossitzu Comunale de sa Comuna de Ossi
S'Assessoradu a sa Cultura de sa Comuna de Ossi
cumpare a sa **Pro Loco de Ossi**,
pro promòvere sa connoschèntzia de sa Cultura e de sa Limba Sarda
e pro nde favorèssire s'impreu

CUMPRIT

SA 37° EDITZIONE DE SU
PRÈMIU DE POESIA “Comuna de Ossi”

Premiu “Antonandria Cucca” 2025

Rassegna de poesia sarda “a bolu”, fatu pro cumbidu a poetas
improvisadores tra sos prus mannos de Sardigna, chi ant a tènnere una gara
in su mese de Austu in Ossi in sa Pratzza de Santa Rughe .
Sa die e s'ora sunt de seberare in sa chida de Santu Bertulu.

Premiu “Pedru Muresu” 2025

Cuncursu de poesia sarda pro poetas “a taulinu”
pro su cale s'at a impreare su regulamentu chi sighit:

REGULAMENTU

Articulu 1 - Podent cuncùrrere totu sos poetas sardos, finas sos chi istant a fora de
s'isula, cun iscritos in Limba Sarda in una de sas variedades sardas faeddadas in
Sardigna.

Est aggradessidu s'impreu de sa normas ortograficas segundu sas regulas de sa
Limba Sarda Comuna (LSC).

Articulu 2 - A su prèmiu si cuncurret cun un'iscritu de argumentu a praghene in
rima o chena rima, chi però no essat dae sos chimbanta versos. Est agradessida sa
boltada in italianu. Si nde divent imbiare 6 copias iscritas in craru a machina o
fotocopiadas.

Articulu 3- Sos traballos divent èssere de prima essida e mai premiados.

Articulu 4 - Sos iscritos divent èssere marcados dae unu pseudònimu chi devet
èssere iscritu in una busta serrada dae in ue non si devet bidere nudda e ligada a sos
documentos cun nùmene, sambenadu, die de nàschida, indiritzu de s'autore e
nùmeru de telèfonu.

Pro chie istat a fora dae s'isula est mègius a dare su nùmeru de unu parente o
connoschente chi istat in Sardigna e su nùmeru de telèfonu suo.

Articulu 5 - Sos iscritos ant a devet èssere ispedidos cun sa posta (busta tancada),
intro de su 20 de Triulas de su 2025 a sa Comuna de Ossi, Carrera Roma, 48 - 07045
Ossi, Tàtari (Comune di Ossi, via Roma 48, 07045 Ossi - SS).

At a bàlere sa data marcada in su timbru postale.

Su pseudònimu podet èssere impreadu pro inditare chie at imbiadu sos iscritos.

Sos iscritos si poden imbiare puru cun sa posta eletrònica a s'indiritzu:
alessandracherchi@comuneossi.it

Articulu 6 - Sa partetzipazione a su Cuncursu est a indonu, non at a èssere pedidu
dinari perunu pro s'iscritzione.

Articulu 7 - Sa premiazione de su Cuncursu at a èssere fata in Ossi su **25 de Santu**
Aine de su 2025 a sas 5 de sero in su Cinema Casablanca, o in atera die chi at a essere
comunicada a sos poetas interessados.

Articulu 8 - Sos partetzipantes dant s'autorizzazione a fàghere imprentare in
giornales, revistas, liberos sas òperas iscritas pro custu Cuncursu.

Articulu 9 - Su chi detzidet sa Giuria non si podet cuntestare, devet èssere atzetadu.
Si carchi testu s'iscumproat no èssere de prima essida o gai publicadu non at a
pòdere cuncùrrere pro more de s'art.3.

Articulu 10 - Sos prèmios ant a dèvere èssere ritirados o dae sos partetzipantes o dae
persone incarrigada cun dèlega iscrita. Non ant a èssere ispedidos, pro motivu
perunu, cun sa posta o àteru mèdiu a sos indiritzos de sos partetzipantes.

Articulu 11 - Sas òperas non ant a èssere torradas. S'organizazione podet fàghere carchi modifica organizzativa chi podet èssere netzessària pro una mègius resèssida de su Cuncursu.

Articulu 12 - Sa giuria at a èssere fata dae òmines e/o fèminas de cultura, giornalista e poetas.

Articulu 13 - Chie partètzipat a su Cuncursu atzetat su presente regulamentu.

Articulu 14 - PRÈMIOS. Su primu in sa classifica at a èssere premiadu cund unu rimborsu de ispesa de € 300,00 e carchi àteru prèmiu chi at a èssere a disponimentu. Àteros prèmios b'ant a èssere pro àteros classificados e sunt cunsideradas finas mentziones e signalatziones de mèritu.

Su Presidente de su Cossitzu Comunale
(Anghelu Fantzellu)

Su Sindigu
(Pascale Lubinu)

S'Assessora a sa Cultura
(Maria Franzisca Campus)

Segreteria organizzativa:

Lisandra Cherchi
Narzisa Muresu
Cianu Seche
Maria Laura Serra

pro cale si siat informatzione, telefonare a su: 079 3403123
o puru imbiare una litera a custu indiritzu: alessandracherchi@comuneossi.it